

續修四庫全書



《續修四庫全書》編纂委員會編

續修四庫全書

上海古籍出版社

# 一一四九・子部・雜家類

援鵝堂筆記五十卷（卷三十四至卷五十）〔清〕姚範撰……………一

羣書拾補不分卷〔清〕盧文弼撰……………二一五

鍾山札記四卷〔清〕盧文弼撰……………六三九

龍城札記三卷〔清〕盧文弼撰……………六九一

龍城札記

# 援鵝堂筆記

二  
〔清〕姚範撰

據清道光姚莹刻本影  
印原書版框高一七五  
毫米寬二五〇毫米

援鵝堂筆記卷第三十四

史部

五代史

陳師錫五代史序按陳師錫字伯休一作建安人熙寧中廷試第三調昭慶軍掌書記歷考功員外郎徽宗朝拜殿中侍御史出知穎廬滑三州坐黨論削官安置郴州卒紹興中贈直龍圖閣東坡薦師錫疏云德行追蹤于古人文章冠絕於當代本傳載之王伯厚困學紀聞載師錫諫徽宗宣取秘書省圖書之奏歎徽宗不能置其言于左右其奏亦具本傳向之滔天巨滑搖毒煽禍以害斯人者蹈鼎鑊斧鑕之不暇按藝祖篡竊無異石晉劉郭其諸方各據一皆承其先業所云滔天巨滑未詳指何等也

援鵝堂筆記三十四

徐無黨注按皇祐五年歐公與梅聖俞書云閒中不能作文字祇整頓了五代史成七十四傳不敢多令人知至和三年與徐無黨書云五代史昨見曾子固議今卻從頭改換未有了期又云仍作注有難傳之處蓋傳本固未可不傳本則下注尤難按此數語未詳余疑今之注公自爲之託名無黨也歐公在夷陵與尹師魯書云開正以來始以無事治舊史前歲所作十國志蓋是進本務要卷多今若變爲正史盡宜芟削存其大要至於細小之事雖有可紀非干大體自可存之小說不足以累正史數日檢舊本因盡芟去矣師魯所撰在京師時不曾細看路中昨來細讀乃大好師魯素以史筆自負果然河東一卷大妙修本所取法此傳爲最此外亦有繁

簡末中願師魯亦芟之則盡妙矣正史更不分五史而通爲紀傳今欲將梁紀并漢周修且試撰次唐晉師魯爲之如前歲之議其他列傳約略且將近代功臣隨紀各自撰傳待續次盡將五代列傳姓名寫出分而爲二分手作傳不知如此子師魯意如何蓋公舊約師魯共爲之而公後獨成此書也

梁太祖本紀 天祐三年遂攻滄州軍于長蘆按長蘆疑在今青縣今滄州西北四十里有長蘆廢縣開平元年契丹阿保機使袍笏梅老來按遼史國語解有梅里云貴戚官名此袍笏梅老及唐莊宗紀同光四年契丹使梅老鞋里疑卽梅里四裔字恐無正音

末帝紀 貞明六年秋七月陳州妖賊母乙自稱天子按通鑑陳州末尼反立母乙爲天子按末尼卽今之回回教舊唐書武宗會昌三年制回紇及摩尼寺莊宅錢物並委功德使以御史臺及京兆府各差官點檢收抽又云摩尼寺僧委中書門下條奏大歷六年回紇請荆揚等州置摩尼寺

援鵝堂筆記三十四

龍德三年冬十月甲戌宣義軍節度使王彥章及唐人戰于中都按中都今汶上縣唐莊宗本紀 居之定襄神武川之新城按新城在今朔州之西克用遣周德威出青山口遇從周于張公橋按張公橋在邢州龍岡縣界置酒三垂岡按今潞城縣西南二十七里有三垂山

梁謝彥章軍于楊劉十二月攻楊劉按通鑑胡三省注楊劉鎮在鄆州東北東阿縣臨河津唐憲宗十三年又同光元年五月己巳王彥章段凝攻楊劉注時莊宗在澶州距楊劉二百里按樹

莊宗紀無之此見王彥章傳亦無日月此通鑑文及注耳  
八月大閱于魏合盧龍橫海昭義安國及鎮定之兵十萬馬萬匹軍于麻家渡按胡鼎明禹貢推指又北播爲九河句下唐時澶州清豐縣界有馬頰河余疑卽此麻家聲近而誤名耶

謝彥章軍于行臺十二月進軍臨濮梁軍追之戰于胡柳按既云進軍臨濮何以云梁軍追之時軍于濮州北行臺村聞晉王起師趨汴故梁賀瓌亦棄營而踵之胡柳跋在濮州西

援鴉堂筆記三十四

臨濮縣界今州東北三十里臨濮故城在州南七十里

晉軍大敗周德威死之梁軍暮休于土山按今南樂縣方山村舊有東西土山並峙卽土山耶

晉軍復擊大敗之遂軍德勝爲夾寨按夾寨今大名府清豐縣

同光元年丁丑取曹州己卯滅梁按曹州至大梁二百四十餘里

廢帝紀莊宗呼其小字曰阿三不徒與我同年其敢戰亦類我按廢帝崩于清泰三年丙申年五十三莊宗崩于同光四年丙戌年四十三則皆生於中和四年甲辰

晉出帝紀論追封皇伯敬儒于晉家人傳又申論之其有感

于濮議而發耶

晉皇后李氏傳 虜人迫帝與太后拜阿保機畫像帝不勝其辱泣而呼曰薛超誤我不令我死又行五六日過海北州至東丹王墓按遼地理志顯州顯陵者東丹仁皇王墓也仁皇王性好讀書不喜射獵購書數萬卷置盤巫閭山絕頂築

堂曰望海山南去海一百三十里大同元年晉開運三年十月改世宗親獲靈鷲歸自汴京突厥爲唐廢帝所以仁皇王愛暨巫閭山水奇秀因葬焉

陘虜地尤高涼虜人常以五月上陘避暑八月下陘按此陘當在上京之西北又按遼營衛志秋高遼寒春夏避暑隨水草就畋漁歲以爲常四時各有行在之地謂之捺鉢夏捺鉢

援鴉堂筆記三十四

無常所多在吐兒山懷州西山

太后自馳至霸州按此霸州遼之興中府漢柳城縣地徙帝及太后於建州按遼之建州保靜軍唐武德中置昌樂

縣太祖完葺故壘置漢州乾祐元年故石晉太后詣世宗求于漢城側耕墾自贍許于建州南四十里給地五十頃營構

房室創立宗廟州在靈河之南按靈州卽今之大小凌河也周世宗三皇后傳 皇朝乾德元年熙謹卒熙讓熙誨不知

所終按宋史理宗紀清祐九年詔周世宗八世孫柴彥穎補承務郎襲封崇義公王銍默記云藝祖自陳橋擁戴入城周恭帝卽衣白襴乘橋子出居天清寺天清世宗節也而太祖

入六宮迎拜有二小兒兕角者宮人抱之亦拜詢之乃世宗

二子紀王勳王也太祖顧諸將曰此復何待左右即提去惟  
潘美在後以手招殿柱低頭不語藝祖曰汝以爲不可耶即  
命速退以其一人賜美美即收之以爲子其後名惟正者是  
邪按王銍之言未必確葉夢得避暑錄云太宗廟寢殿夾  
室有誓碑其辭三行一云柴氏子孫有罪不得加刑逆謀止  
于獄中賜盡不得而曹刑戮亦不得連坐支屬一云不得殺  
士大夫及上書言事人一云子孫淪此誓者天必殛之凡新  
天子即位謁廟禮畢讀誓詞僅小黃門不識字者一人從羣  
臣近侍皆不知所誓何事靖康之變門洞開人得縱觀乃見  
之按紀王勳謹  
梁家臣劉鄩傳末帝恐魏兵亂遣鄩以兵屯于魏縣按九域

援鶉堂筆記三十四

五

志魏縣在魏州西二十五里  
鄩以晉兵悉從莊宗赴魏而太原可襲乃結草人于城上而  
潛軍出黃澤關襲太原至樂平遇雨不克而還按魏書地形  
志樂平郡遼陽縣有黃澤嶺隋改遼陽爲遼山又按通鑑云  
會陰兩積句曰黃澤道險墓泥深尺餘士卒攀藤葛而進  
唐家臣郭崇韜傳贊余讀梁宣底按沈存中筆談云唐故事  
中書舍人職堂語詔皆寫四本一本爲底一本爲宣此宣謂  
行出耳未以名書也晚唐樞密使自禁中受旨出付中書即  
謂之宣中書承受錄之千籍謂之宣底今使館中尚有故宣  
底二卷如今之聖語簿也又按唐志詔令有王起寫宣十卷  
魏禧嘗著論言歐公之論狄武襄涉忤害乃深文非君子之

心也然公此贊所云亦素有不平于武臣者耶  
是時莊宗軍朝城段凝軍臨河按河疑漢之譌臨漢見前謝  
彥章條下

烏震傳代房知溫戍于盧臺軍胡三省通鑑注盧臺軍臨御  
河之岸周建乾寧軍東至滄州百里西至瀛州七十里按此  
宋之清州今青縣于唐疑歷亭記考樹按唐末置乾寧軍宋  
太平興國復置今河間

傳贊歐公此贊義全語當可謂權于天理而不可易者矣

張憲傳從事張昭遠教憲奉表以勸進按宋史張昭傳昭謂  
憲曰得毋奉表觀望爲自安之計乎憲曰我本書生云云昭  
曰此古人之志公能行之死且不朽相泣而去憲遂死之疑

援鶉堂筆記三十四

木

宋史爲得其實故謂昭能成憲之節樹按錢氏養新錄同時  
有兩張昭一濮州人即  
張昭也一滄州人  
疑之子皆有傳

晉家臣桑維翰傳乃出延廣于河南拜維翰中書令按胡氏  
春秋傳云晉出帝復拜桑維翰中書令之日下一詔書十五  
道節度使莫不聽命見閱二年鄭棄其師傳又按通鑑桑維  
翰兩秉朝政出楊光遠景延廣于外至是一制指揮節度使  
十五人無敢違者時人服其膽略

周家臣扈載傳載字仲熙北燕人也按宋史扈蒙傳云幽州  
安次人載蒙之從弟安次今東安縣

死節臣劉仁贍傳遂徙城下蔡按蔡在今壽州北三十里  
一行李自倫傳正門闕閱一丈二尺烏頭二柱皆以瓦桶



按漢書車千秋傳又無闕闕功勞史記高祖功臣年表明其等曰闕積日曰閱又程大昌演繁露云柱相去一丈柱端安瓦桶墨漆號曰烏頭

唐六臣楊涉傳祖收唐懿宗時宰相父嚴官至兵部侍郎按唐書嚴收之弟非父子也宰相世系表亦曰兄弟公為史乃自誤邪

伶官傳論晁公武論吳縝五代史纂誤云通鑑考異證歐史差誤如莊宗還三矢之類甚眾今縝書皆不及惟證其字之脫錯而已余檢通鑑考異無其文蓋考異有全書而今附注於通鑑下者或芟略之也按劉仁恭父子未嘗事梁又克用為燕攻潞州以解梁圍迨守光之立克用之卒未有交兵事

援鶻堂筆記三十四

七

又契丹傳云晉王憾契丹之附梁臨卒以一箭授莊宗期必滅丹則云滅燕還矢事虛也考異不過有疑於此然公云世言想別有本又不載之傳記而虛寄之於論以致慨又何害也

宦者傳余疑公初本以張承業別自為傳後以其宦者也雖賢而別無可附因置之于前兼及張居翰而以召禍啓亂者敘于後以為取善而戒惡故其篇章有聯絕割屬之跡而無精神融液之妙以此思太史公述作如神山仙闕矣

孟漢瓊 按周顯德元年殺左羽林大將軍孟漢瓊又一人雜傳王鎔傳梁太祖怒鎔願謂葛從周曰得鎮州以與爾爾為先鋒從周至臨城按臨城屬趙州本房子天寶元年更名

天祐二年更曰房子

羅紹威傳北遷為魏州貴鄉人按貴鄉唐時魏州之第一縣今入大名縣界內

魏兵從至滄者行至歷亭按歷亭今河間府故城縣

趙雙傳雙語其下曰吾家三世陳將按張安道知陳州曰令民夷嘉應侯陳太尉廟而祀雙

張全義傳全義輒蒐卒伍鎧馬月獻之以補其缺按宋史陶穀傳載梁貞明丁丑歲張全義獻人甲馬具裝

孫方諫傳初定州西北有狼山堡按狼山堡即今之郎山折從阮傳按後書方術傳有折象從阮子德展及孫御勳御

卿事具宋史

援鶻堂筆記三十四

八

李琪李琚傳太祖幸河北至內黃顧琚曰何謂內黃琚曰河南有外黃下黃故此名內黃太祖曰外黃下黃何在琚曰秦有外黃都尉在今雍邱下黃為北齊所廢在今陳留按下黃據前漢志續漢志當作小黃隋志云後齊廢小黃入陳南史梁宗室傳有上黃侯庚信集有代梁上黃侯與婦書上黃未知在何地隋志不及

明宗初即位乃詔羣臣五日一隨宰相入見內殿謂之起居琪以為非唐故事請罷五日起居而復朔望入閣云云然唐故事云云按此段故事歐公蓋與劉原父參詳而得之者見歐集七十卷問劉入閣儀帖中小字注疑即原父條疏公問語也刊集者不知誤為公之詞又考宋史禮志及宋庠傳較

歐劉之說尤詳庠傳言寶元中仁宗嘗論及唐入閣儀庠退而奏曰入閣乃有唐隻日于紫宸殿之儀也唐有大內又有大明宮宮在大內之東北世謂之東內高宗以來天子多在大明宮宮之正南門曰丹鳳門門內第一殿曰含元殿大朝會則御之第二殿曰宣政殿謂之正衙朔望大冊拜則御之第三殿曰紫宸殿謂之上閣亦曰內衙隻日常朝御之天子坐朝須立仗于正衙殿或乘輿止御紫宸即喚仗自宣政殿而入門是謂東西上閣門也以本朝宮殿視之宣德門唐丹鳳門也大慶殿唐含元殿也文德殿唐宣政殿也紫宸殿唐紫宸也今欲求入閣本意施于儀典須先立仗文德庭如天子止御紫宸即喚仗自東西閣門入如此則差與舊儀合但

援鶉堂筆記三十四

九

今之諸殿比于唐制南北不相對耳又按唐自中葉以還雙日及非時大臣奏事別開延英殿若今假日御崇政延和是也乃知唐制坐朝日即為入閣其後正衙立仗因而遂廢甚非禮也右見宋庠本傳而禮志尤詳又張洎傳但言至德後事亦可參攷又程泰之雍錄亦有說記詳  
崔稅字子文深州安人也按宋史張昭傳天福五年以唐史未成詔昭與呂琦崔稅等續成之  
李松傳松志曰天下豈有不死之人邪乃自誣服族誅按陶穀嘗謂李松之死已晚見宋史本傳  
賈緯傳緯為維翰傳言維翰死有銀八千錠按宋史王欽若受河陰尉任懿賂與登科事銀欽若傳云銀三百五十兩洪

湛傳云銀七錠是一錠為五十兩矣  
南唐世家李昇字正倫徐州人按南唐主名昇非昇當時猶以金陵為昇州樹按汲古諸本及南唐書皆作昇無作昇者非名昇矣玉篇昇皮變切明也又昇立改元昇元足知南漢世家自隱始亦自立按始下疑有脫字亦自立蓋指曲顯諸人也

四夷附錄

契丹自後魏以來名見于中國其居曰梟羅箇沒里沒里者河也是謂潢水之南黃龍之北唐書亦云居潢水之南黃龍之北得鮮卑之故地當唐之世其地北接室韋東鄰高麗西界奚國而南至營州

援鶉堂筆記三十四

十

按此即今之遼陽州明一統志遼東衛幹羅山在城東北五百里大梁水發源于此水經注大梁水出北塞外疑所云梟羅箇沒里者即幹羅河 又注濡水下云盧龍東越清陘至凡城二百許里自凡城東北出趨平岡故城可百八十里向黃龍五百里 又注遼水下已有黃龍城 又唐書北狄傳安祿山討契丹大戰潢水南 遼志武安州唐沃州地太祖俘漢民居木葉山下西建城以遷之號新城復以遼西戶益之更曰新州統和八年改今名有黃柏嶺梟羅水箇沒里水樹按此潢水之南有梟羅箇沒里水乃契丹始居歐史唐書言俱明至阿保機所保漢城新州當唐沃州地乃後日所謂中京者又遼志云有梟羅箇沒里水似誤抑或此水流逕至此耶又遼史太祖紀太祖所崩行宮在扶餘城西南兩河之間後

建昇天殿于此而以扶餘為黃龍府按此黃龍疑在今之開原然去上京不及千里又晉家人傳云出帝與太后自平州出榆關行七八日至錦州又行五六日至海北州又行十餘日度遼水至勃海國又行七八日過南海府至黃龍府疑非所云是歲六月又徙于懷密州去黃龍西北一千五百里行過遼陽二百里國母樹按即為永康王所囚永康王遣帝與太后還止遼陽按此黃龍府又在遼陽之東北與鄭注及遼紀所云黃龍又遠矣又明一統志遼東衛云大寧城在城北潢水之南漢新安平地唐貞觀中置饒樂都督府遼曰中京金曰北京皆建於此按遼史云聖宗嘗過七金山土河之濱南望雲氣有城郭樓閣之狀

援鵝堂筆記三十四

十一

因議建都統和二十四年五帳院進奚王牙帳地二十五  
年城之實以漢戶名曰中京是則去阿保機之初已百餘  
年且云奚王牙帳之地其非契丹之故居明矣 又遼志  
中京大定府秦之遼西漢新安平縣漢末步奚居之奚亦  
之後曹魏大幅員千里多大山深谷阻險足以自固魏武  
所斬者 一道上脫隋志又北在縱兵大戰降者二十餘萬去之松漠云為慕  
容所破遁 其後拓跋氏衰遼建牙於此當饒河水之南溫  
居松漠 逾河水之北樹按據此遼黃龍之居有三一初居一為阿  
多混以 保機保漢城所居一為統和所建諸史傳記  
通鑑九十六卷咸康七年燕王皝使楊裕築城于柳城之  
北龍山之西立宗廟宮室命曰龍城東樹按龍城之名已見史記漢書匈奴傳

歲正月小會單于庭利五月大會龍城祭  
其先天地鬼神又衛青出上谷至龍城  
唐書營衛志柳城郡下云城西四百八十里有榆關按此  
今之山 又云柳城西北接奚北接契丹有東北鎮醫無閭  
山又東有碣石山按柳城當在今義州錦州之南而碣石  
雖有數處大約在其西南云東疑誤且去此亦遠矣 通  
典柳城郡下云北至契丹界五十里西北到契丹界七十  
里東北到契丹界九十里

遼史興中府古孤竹國漢柳城縣地慕容皝以柳城之南  
福德之地乃築龍城構宮廟改柳城為龍城縣而遷都之  
號曰和龍宮樹按見兩龍相鬪射慕容寶復居之史作  
而和之故曰和龍 為馮跋所滅魏取為遼西郡唐武德初改為營州總管府

援鵝堂筆記三十四

十一

尋為都督府萬歲通天元年陷于李萬榮神龍初徙府幽  
州開元四年復治柳城八年徙漁陽十年還柳城後為奚  
所據太祖平奚及俘燕民樹按即所謂漢人將建城命韓  
劉仁恭幽州之民 知方擇其處乃完葺柳城號霸州彰武軍節度 重熙十  
年 樹按遼興宗年號重熙 升興中府統州二縣四其一興中  
縣在位二十四年 縣本漢柳城縣地太祖掠漢民居此置霸城有太華山少  
華山香高山麝香巖天授皇帝刻石在焉樹按世宗號天  
皆刻石碑後云德光葬阿保機木葉山諡曰大聖皇 又明  
帝遣使聘唐求碑石為阿保機刻銘在此刻石先  
一統志復州衛遼為遷民縣後置復州  
夢溪筆談云昔人文章用北狄事多言黑山在大幕之北  
今謂之姚家族有城在其西南西有連山謂之夜來山契

丹墳墓皆在山之東南麓近西有遠祖射龍廟

其部族之大者曰大賀氏後分為八部

按遼史營衛志則此八部乃遙輦氏之八部也云唐開元天寶間大賀氏既微遼始祖涅里立迪輦祖里為祖午可汗即故有族眾分為八部涅里所統迭刺部自為別部不與其列迪輦阻里唐賜姓李名懷秀者也又云涅里阻午可汗分三耶律為七部大遙輦析為六而世里合為一涅里一作泥里一作雅里阿保機之始祖某部大人遙輦氏次立時劉仁恭據有幽州數出兵摘星嶺攻之

按是時遙輦氏立者為痕德堇可汗樹按薛史作沁丹

援鶉堂筆記三十四

三

八部之人以為遙輦不任事選于其眾以阿保機代之阿保機亦不知為何部人也樹按阿保機薛史作安巴堅

按阿保機迭刺部遼史蕭翰家傳樹按遼之蕭姓始干李翰其後遂蒙為世姓天皇王之考夷離堇的魯按天皇王即阿保機

夷離堇國語解云管兵馬大官阿保機之父重熙後冊為德祖者也

阿保機乘間入塞攻陷城邑俘其民人依唐州縣置城以居之謂諸部欲以所得漢人自為一部以治漢城漢城在炭山東南樂河上有鹽鐵之利乃後魏滑鹽縣也阿保機率漢人耕種為治城郭邑屋市廛如幽州之制按炭山即水經注沽水發源丹花山今世謂之丹山者也

炭與丹音誤耳沽水與濡水合流俱合故亦云沽水為灤水也明一統志灤河在雲州堡北六十六里發源炭山水并亂泉合為此河北源經古桓州南下流入開平界鄭思肖心史云蒙古素以歲二月往陘山避暑八月還幽州陘山又名炭山在幽州西北八百里地坐水鄉金人舊避暑之地升開平府按此乃元之上都在今多倫諾爾之西北炭山值其南為上都河之源而其下為灤河皆鄭注之濡水也濡水已見上而阿保機所欲居之漢城疑即今之熱河樹按宏簡錄本傳敘所著書無心史又按今丹山在獨石之西而鄭思肖以炭山為陘山則炭山在元上都也恐未可據俟更考水經注沽水云大榆河東南流經滑鹽故城東王莽更名匡德

援鶉堂筆記三十四

五

漢明帝改曰鹽田水世謂之鹽城西北去禦夷鎮二百里南注鮑邛水又按魏書地形志無滑鹽水經鄭注鮑邛水下逕安州舊漁陽郡之滑鹽縣余疑今熱河為西漢之漁陽而滑鹽在其西在潮河之上也

阿保機多用漢人漢人教以隸書之半增損之作文字數千乃僭稱皇帝自號天皇王以其所居橫帳地名為姓曰世里世里釋者謂之耶律名年號曰天贊以其所居為上京起樓其間號西樓又于其東千里起東樓北三百里起北樓南木葉山起南樓東樹按據此則遼志言俘漢民居木葉山有泉乘唐書歐史遼羅箇里水者與其始居潢水之南黃龍之北相志必有一誤也往來四樓之間每朔旦東向拜日以東向為尊四樓門皆東向東樹按虜庭雜記文與歐史悉同今不錄

前燕錄慕容廆大興四年作東樓遼志龍化州與國軍本  
安北平縣地契丹始祖奇音可汗居此稱龍庭太祖干  
此建東樓又云天顯元年崩于東樓樹按後云述律護其喪歸西樓按龍  
化州疑在今開原之西南與遼陽近

遼史國語解遼有四樓在上京者曰西樓木葉山曰南樓  
龍化州曰東樓唐州曰北樓按遼史無唐州據歐史則上  
京之北也

遼上京乃在明所棄之大寧衛之地前云漢城在滑鹽往  
齊大風云今之熱河漢之滑鹽然則阿保機先居上京後  
居漢城既滅諸部仍居上京與

通鑑二百七十卷貞明三年注引薛史云西樓距幽州三

按鶉堂筆記三十四 主

千里東樹按先生時薛史尚未刊行人間少傳本故引通鑑也

莊宗崩明宗遣姚坤告哀于契丹坤至西樓而阿保機方東  
攻勃海坤追至慎州見之

按慎州唐鞞鞞州之一

德光遣禿飯煎刺等以騎五千救都

按左昭二十年季煎因之釋文仕側反煎刺又見呂琦  
傳

阿保機死長子東丹王突欲當立諸部希述律意共立德光  
即繼突欲自扶餘奔唐明宗因賜其姓為東丹更其名曰慕  
華後賜姓李以其來自遼東乃以瑞州為懷化軍拜慕華節  
度瑞慎等州觀察處置使

按唐志羈糜州瑞州本威州貞觀十年以烏突汗達干部  
置在營州之境咸亨中更名後僑置良鄉之廣陽城 慎

州武德初以涑沫烏素固部落置僑置良鄉之故都鄉城  
莊宗之末趙德鈞鎮幽州于鹽溝置良鄉縣樹按歐史此段

里有榆關云云至由是幽薊之人始得耕牧而輸餉可通指次如畫甯熟誦之

按二漢及晉並有良鄉

德光乃西徙橫帳居捺刺泊出寇雲朔之間

按遼史國語解德祖族屬號三父房稱橫帳宗室之尤貴  
者

翰林學士張橢進擬延壽中京大丞相錄尚書事都督中外  
諸軍事

按鶉堂筆記三十四 主

按此謂鎮州為中京也其後遼聖宗城奚王牙帳實以漢  
戶號曰中京則今奉天之遼陽矣

胡嶠北行記自幽州西北入居庸關明日又西北入石門關  
按此居庸之石門

又三日至可汗州

按宋史地理志媯州唐置石晉以賂契丹契丹改為可汗  
州東樹按唐貞觀八年改北燕州為媯州今宣府鎮按來

西北行五十里有雞鳴山

雞鳴山在今保安州見水經注温水下即摩笄山非唐  
時名

又四日至歸化州

按據唐志當作歸化郡本彈汗州貞觀二十二年以內屬

契丹別帥折紇便部置宋志歸化州舊毅州後唐改爲武

州石晉以賂契丹契丹改爲歸化州樹按唐末幽州鎮增置武州領文德縣今

宣府鎮是也

又二日至湯城淀

按湯城淀疑今哨鹿所之東溫泉

遂及述律戰於沙河

按今由廣寧至瀋陽有沙河

自上京東去四十里至眞珠寨

按上京疑在今翁牛特之南

援鵝堂筆記三十四

松林鬱然數十里

按松林疑即今松嶺

嶠等東行過一山名十三山

按十三山在今錦州明一統志云十三山在廣寧右屯衛

城北三十里亦引胡嶠北行記據此去幽州數百里而近

云二千里虜迂其里以欺南人也樹疑晉出帝與太后所行亦虜故迂其里以欺

也

遇雨則張草爲屋常作鹿鳴呼鹿而射之食其生肉能釀麋

爲酒

按此即今時所傳索倫哨鹿之戲

西南至儒州

按唐地理志儒州本西鹽州故後魏洪河郡之藍川縣地今延慶州

于闐國傳又西百里出玉門關

按此今之玉門關漢之玉門關在沙州西北

宋史

太宗嫁女於柴崇崇慶爲禹錫之孫而升其行爲禹錫子

眞宗嫁女於李遵勛遵勛爲崇矩之孫而升其行爲崇矩子

哲宗嘗以爲非見本紀按太宗時禮制如此蓋爲公主不降

禮于舅姑可謂悖矣

汪伯彥傳言張浚爲伯彥所引紹興四年帝追贈陳東歐陽

澈因舍人王居正論伯彥潛善不已禡職七年帝謂輔臣元

援鵝堂筆記三十四

帥舊僚往往淪謝惟汪伯彥楚同艱難朕之故人無幾宜與

牽復秦檜張浚曰臣等已議日郊恩取旨更得天筆明其舊

勞庶幾內外孚信則魏公之人可知矣

強淵明傳淵明與兄浚明及葉夢得締蔡京爲死交立元祐

籍分三等定罪皆三人所爲又毛注疏蔡京以葉夢得爲腹

心交植黨與

鄒浩傳附田畫畫字永君陽翟人樞密使况之從子淮陽人

祀以爲土神者歐集有送田畫秀才序言其祖取蜀平江南

之功當屬田欽祚之後按孟蜀世家太祖西伐有供奉官田

仁朗充濠砦都監宋史田仁朗田紹斌有傳無取蜀平南唐

功又附王回字景深仙游人則亦與深甫同名者

驗榜傳無一事涉于儒林僅有少穉伊洛之學六字蓋宋史之可笑如此

程師孟載列傳九十五卷又入循吏

金史

宇文懋昭大金國志言大定 年四月三日金主與太子諸王在京苑賞壯丹晉王允猷賦詩以陳和者十五人完顏璋元 尤 探知其意直前頓首言曰國家君臣將帥皆以勇力戰爭雄略故能滅遼滅宋混一南北諸蕃畏懼自近年多用遼宋亡國遺臣以富貴文字壞我土俗先臣昔在順昌為劉琦所敗便歎用兵不如天會時皆是年來貪安為人所侮今皇帝既一向不說著兵使說文字人朝夕在側遺宋所傳之主

援鵝堂筆記三十四

尤

是有志報復今矇骨樹按疑即蒙古不受調役夏人亦復侵邊陛下舍戰鬪之士謂其不足與語不知三邊有急把作詩人去當得否金主默然左右皆駭目相顧知內省事余萬福向前扶之曰皇帝方歡飲耶君作苦惱人邪扶起去之自是文武分黨如冰炭矣按此金史傳中亦載之然卻是當時至論金之亡也未始不以虛慕文章至于弛備偷安參于富貴聲利之場以致淪滅也樹按此有國有家者千古龜鑑至于宰相用讀書人又別一義然亦非以矜華文士當之也賈益謙云海陵被弑而世宗立大定三十年禁近能異海陵過惡者皆得美仕官修是錄誣其淫毒狠鷲遺恨無窮自今觀之百可一信耶然則金亮尚蒙厚困是知趙逸未死爰

知符生之誣李仁尚存用辨歸命之酷史之不信久矣樹按曲筆篇昔秦人不死驗符生之厚誣蜀老猶存議葛亮之多枉又按如同馬氏之暴高貴鄉公及齊王芳之淫惡亦與此也

明史

洪武三十五年樹按蓋實建文四年十月己未命修太祖實錄又本月庚申載與修實錄官之諭据其言則太祖實錄乃方希直等所纂述

永樂元年六月辛酉監修國史太子太師曹國公李景隆等總裁官翰林侍讀學士解縉等上表進太祖實錄十六年五月夏原吉楊榮等進太祖高皇帝實錄御奉天殿受之披閱良久嘉獎再四曰少副朕心據此則是太祖實錄曾經三修

援鵝堂筆記三十四

尤

東樹按汲古閣藏書目錄明實錄三百五十九冊洪武附建文四十六冊實錄元欲修好遣張昶航海至慶元方國珍遣檢校燕敬來告上不之答國珍懼乃送昶于福建平章燕只不花所時左丞王溥在建昌以聞上命溥招之來且命符璽郎劉紹先候之于廣信昶至上問其所以來昶俛首無一言上不欲窮詰命中書館之時召問以事知其才可用遂畱之按元遣張昶至乃察罕帖木兒破山東江淮震動太祖遣使通好元乃遣昶及馬合謀浮海如江東授太祖榮祿大夫江西等處行平章事甫至而察罕為王士誠刺死太祖遂殺馬合謀而畱昶官之今實錄云云疑此等皆永樂三修實錄之所改也豈有千里航海而來遣人招而俛首無一言者乎且欲通好而何

為遜畏如此史筆謬妄如是亦可笑也

術家言明太祖年月日時皆辰按實錄太祖生天歷戊辰九

月十八日丁丑其日未推而月時皆非辰也樹按堯錢受之

年九月壬戌十八日丁丑未時先生誤以丁丑為時

洪武四年二月載奉先殿常用祝文其聖壽祝文曰季秋十

有八日實元璋戊辰年初生之辰又按陶凱傳載乾清宮左

建奉先殿

洪武實錄云元年己亥四月俞通海擊敗陳友諒將趙普勝

於樅陽獲其軍校趙牛兒等及其船艦乘勝追殺敵眾遂復

池州是時上親征浙東方以樅陽為憂及捷至大喜太祖本

紀夏四月俞通海復池州按此當至正十九年事即徐達傳

援鵝堂筆記三十四

王

所云太祖自將攻婺州命達雷守應天別遣兵襲破天完將

趙普勝復池州也

正統元年八月追贈皇庶母惠妃何氏等十人蓋宣廟殉葬

宮妃也初太祖崩宮人多從死者建文永樂時相繼愛恤若

張鳳李衡趙福張弼汪賓諸家自錦衣衛所試百戶散騎帶

刀舍人進千百戶帶俸世襲人謂之太祖朝天女戶歷成祖

仁宣二宗亦皆用殉景帝以邸王薨猶用其制蓋當時王府

皆然至宣宗始罷之

雍泰傳泰為山西按察使太原知府尹珍塗遇不及避雍召

至跪而數之珍有違言泰竟笞珍珍訴于朝又觀洪鍾劉宇

傳則明時為都御史者故笞御史蕭鳴鳳督學廣東以慎謹

筆慶府知府鄭璋等應聖

投劾去吳來為山西左參政杖死縣令十人

王翺傳吏部主事曹恂已遷江西參議遇疾復入都朝以聞

命以主事回籍恂怒入朝粹翺擱其面大聲詬厲按此事前

史於五行全著其事應當以入志

耿九疇傳天順四年布政使許資言侍郎出鎮與巡撫御史

不相統請改授憲職便乃轉右副都御史大臣鎮守巡撫皆

授都御史自九疇始

楊瓚為鳳陽知府言民間子弟可造者多請增廣生員母限

額禮部采瓚言考取附學天下學校之有附學生由瓚議始

孫原貞傳

呂原傳呂憲以中書舍人舉順天鄉試舍人得赴試自憲始

援鵝堂筆記三十四

王

許天錫傳正德十二年建書坊火天錫請遣官臨視刊定經

史有益之書其餘晚宋陳言一切舉業餽訂請毋錄刻所司

議從其言

崔志端由道士擢尚書見天錫傳按許相傳相言崔文以左

道罔上崔文即志端邪樹按姚榮國以僧封爵陰始擬也

安然傳言太祖初設四輔官

范輅傳高帝定制王府屬縣稱官其後始稱臣餘文武及京

官出使者稱官相見以便服

馬森傳贊龐尚鵬行一條鞭法又葛守禮傳論一條鞭一串

鈴之弊

王彰鄭人巡撫河南終明世大臣得撫鄉土者彰一人而已



鄭三俊傳萬歷間蕪湖始設關止歲徵稅六七萬泰昌時已  
停崇禎時度支益黜解學龍請增天下關稅南宣課司亦增  
二萬三俊以為病民請減其半以其半徵之蕪湖坐賈戶部  
遂派蕪湖二萬復設關徵商

實錄洪武二年十一月封京都及天下城隍神京都為承天

鑒國司民昇福明靈王其在北北京開封府者時以開封府為北京為承

天鑒國司民顯聖王臨濠府為承天鑒國司民貞祐王太平

為英烈王和州為靈護王滁州為靈祐王五府州皆正一品

餘在各府州縣者府為鑒察司民城隍威靈公秩正二品州

鑒察司民城隍靈佑侯秩三品縣為鑒察司民城隍顯佑伯

秩四品其章服京都城隍衮冕十有二章開封等五府封王

按鶴堂筆記三十四

及各府封公者九旒九章各州縣封侯伯者七旒七章

三年六月詔定嶽鎮海濱城隍號稱某府某州某縣城隍之

神東樹按槽弓多言物始以上諸條先生但  
籤記而無案語當本此意故類而存之

永樂四年三月丙辰進士陳紀等還鄉陛辭上諭之曰云云

按陳紀等二百三人賜勅獎厲還鄉進學待用乃今之歸班

進士也而當時有陛辭之禮東樹按後漢書獻紀初平四年  
試儒生四十餘人上第賜位郎

中次太子舍人注引劉艾獻紀長安諺曰頭白皓然食不充  
糧裹衣裹裳當還改鄉聖王愍念悉用補郎舍是布衣被服  
黃玄

永樂四年二月己卯唐府長史程濟典簿魏居敬犯夜禁司

馬請送法司特命宥之此又一程濟耶樹按後錢氏養  
新錄亦載之

明史藁俞鑑字元吉桐城人以進士授兵部職方司主事英

宗北狩郎中胡寧當從以病求代鑑慷慨許諾或曰家遠子  
幼奈何鑑曰為國臣子敢計身家尚書鄺楚知其賢數與計  
事鑑曰惟力勸班師可耳時不能用遂從而死見王佐傳按  
俞正統七年壬戌進士乃桐廬人明史藁誤  
鹿善繼傳善繼父名正其稱太公者家傳墓誌之文今明史  
亦稱太公未及改正

按鶴堂筆記三十四

南